

AA

‘Shkoi të sqaronte sherrin e djalit për parakalim të gabuar’, detaje nga arrestimi i efektivit të policisë së Durrësit: I biri qëllloi me armë drejt 29 vjeçarit

REPORT TV

Redaksia

9 Shkurt, 09:10| Përditesimi: 9 Shkurt, 09:48

Share



Report Tv ka mësuar detaje të reja nga ngjarja e ndodhur në Kavajë ku efektiv i policisë Kastriot Gjongecaj dhe djali i tij Denis Gjengecaj qëlluan me armë zjarri ndaj të riut Kiti Kazazi.

Denis Gjongecaj i cili është shpallur në kërkim, në 7 shkurt është konfliktuar me 29 vjeçarin për një parakalim të gabuar. Të nesërmen 24 vjeçari shkoi së bashku me të atin Kastriot Gjongecaj (nënkomisar i policisë në Durrës) për të sqaruar problemin.

Por konflikti ka përshkallëzuar dhe djali i efektivit ka qëlluar me pistoletën që e mbante pa leje në drejtim të automjetit me të cilin udhëtonte Kiti Kazazi.

“

Njoftimi i plotë i AMP

Agjencia e Mbikëqyrjes Policore (Rajoni Durrës-Kavajë) ka arrestuar në flagrancë punonjësin e policisë N/Komisar K. GJ., me detyrë specialist në seksionin e shërbimeve ndaj të tretëve në DVP Durrës, si edhe shpalli në kërkim shtetasin D. GJ., si të dyshuar për kryerjen e veprës penale "Vrasje e mbetur në tentativë" në bashkëpunim dhe "Armëmbajtje pa leje".

Arrestimi i N/komisar K. GJ. u krye pasi nga tërësia e veprimeve hetimore paraprake ka rezultuar se në bashkëpunim me shtetasin D. GJ., 24 vjeç (djali i tij), më datë 08.02.2024, rreth orës 13:25, në lagjen Nr.2 të qytetit të Kavajës, janë konfliktuar për motive të dobëta dhe kanë qëlluar me armë ndaj automjetit me të cilin udhëtonte shtetasi K. K., 29 vjeç. Nga kjo ngjarje nuk ka patur të lënduar.

Në përfundim të veprimeve hetimore, materialet proceduriale i kaluan Prokurorisë pranë Gjykatës së Shkallës së Parë të Juridiksionit të Përgjithshëm Durrës.

AMP mbetet e përkushtuar në misionin për garantimin e zbatimit të ligjit dhe vetëpastrimin e Policisë, ndërsa fton qytetarët të denoncojnë çdo rast të abuzimit apo shkeljes së ligjit nga ana e punonjësve të Policisë së Shtetit, Gardës së Republikës apo Shërbimit për Mbrojtjen nga Zjarri dhe për Shpëtimin, duke telefonuar falas në numrin 08009090.

Lajmi kryesor:

Djali i policit të Durrësit qëllon me armë 29-vjeçarin pas sherrit për parakalimin! I pranishëm edhe efektiv, arrestohet! Në kërkim i biri (EMRAT)

B.V//ReportTv.al

DENIS GJONGECAJ

KASTRIOT GJONGECAJ

KITI KAZAZI

AMP

DURRES

Sondazhi i ditës:

Si po shkon PS në zgjedhjet e 2025?

MË E FORTË

MË E DOBËT

DUHEN NDRYSHIME